



ქედის მუნიციპალიტეტის საკრებულო

გ ა ნ კ ა რ გ უ ლ ე ბ ა

დაბა ქედა

N 48
25/10/2019

48-04-4-201910251642



ქედის მუნიციპალიტეტის მერიის ჯანდაცვისა და სოციალური დაცვის სამსახურის მიერ 2019 წლის მესამე კვარტალში შესრულებული სამუშაოს ანგარიშის მოსმენის შესახებ

„ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 3 მაისის №6 დადგენილებით დამტკიცებული დანართის მე-6 მუხლის მე-6 პუნქტის შესაბამისად, ქედის მუნიციპალიტეტის საკრებულომ **გადაწყვიტა:**

1. ცნობად იქნას მიღებული ქედის მუნიციპალიტეტის მერიის ჯანდაცვისა და სოციალური დაცვის სამსახურის მიერ 2019 წლის მესამე კვარტალში შესრულებული სამუშაოს ანგარიში, თანახმად დანართი №1-სა.
2. დანართი №1 წარმოადგენს განკარგულების განუყოფელ ნაწილს.
3. განკარგულების დაინტერესებული მხარეთათვის კანონმდებლობით დადგენილი წესით გაცნობა უზრუნველყოს ქედის მუნიციპალიტეტის საკრებულოს აპარატის უფროსმა - მუხრან სალაძემ.
4. განკარგულება შეიძლება გასაჩივრდეს დაინტერესებული მხარეების მიერ კანონმდებლობით დადგენილი წესით მისი ძალაში შესვლიდან ერთი თვის ვადაში ხელვაჩაურის რაიონულ სასამართლოში (მისამართი: ქ. ბათუმი ფრიდონ ხალვაშის გამზირი №358).
5. განკარგულება ძალაშია ხელმოწერისთანავე.

შუქრი თურმანიძე

საკრებულოს თავმჯდომარე



**ჯანმრთელობისა და სოციალური დაცვის სამსახურის
მესამე კვარტლის ანგარიში**

სამსახურის მიერ გარკვეული მუშაობა იქნა გაწეული მოსახლეობის ჯანმრთელობისა და სოციალური მდგომარეობის გაუმჯობესების, სტიქიური მოვლენების შედეგად მიყენებული ზარალის შესწავლისა და ანაზღაურების მიზნით. მოქმედებს სულ 12 მიზნობრივი პროგრამა კერძოდ:

1. „სოციალურად დაუცველი ფენისათვის ყოველდღიური ერთჯერადი უფასო კვებით უზრუნველყოფა“, რომლის მთლიანი ბიუჯეტი შეადგენდა 25 200 ლარს. პროგრამა განახორციელა ტენდერში გამარჯვებული ინდ. მეწარმე შ.პ.ს. „არსი“2-მა და ისარგებლა 23 მოქალაქემ, რაზეც მესამე კვარტალში დაიხარჯა 6031,34 ლარი. სამსახურის მიერ პერიოდულად ხორციელდება მონიტორინგი ხელშეკრულებით ნაკისრი ვალდებულების შესრულების მიზნით.

2. „ამბულატორიული მომსახურების პროგრამა“, რომლის ბიუჯეტი შეადგენდა 166 600 ლარს. ამბულატორიების ტრანსპორტითა და მომსახურებით უზრუნველსაყოფად მესამე კვარტალში ჩარიცხულია 33091 ლარი, სადაც გათვალისწინებული იყო მძღოლების ხელფასი, საწვავი, ელექტროენერჯის გადასახადი, ექიმის ჩანთის შევსება და დაზღვევის გადასახადი.

3. „უკიდურესად გაჭირვებულ ოჯახებში გარდაცვლილ პირთა დაკრძალვისათვის ერთჯერადი დახმარების პროგრამა, რომლის ბიუჯეტი შეადგენდა 24 000 ლარს. მესამე კვარტალში პროგრამით ისარგებლა 14 ოჯახმა (სარეიტინგო ქულა 100000-ზე ნაკლები) და თითო ოჯახს გაეწია 400 ლარიანი დახმარება. დახარჯულია 5600 ლარი.

4. „ჰემოდიალიზის სეანსებით მოსარგებლე ბენეფიციართა (თანმხლები პირის ერთად) მგზავრობის ღირებულების ანაზღაურების პროგრამა“, რომლის ბიუჯეტი შეადგენდა 13 800 ლარს. პროგრამით სარგებლობს 8 მოქალაქე. მესამე კვარტალში გახარჯულია 1856,40 ლარი

5. „ვეტერანთა სარიტუალო მომსახურების, სადღესასწაულო დღეების ორგანიზებისა და დახმარების“ პროგრამა რომლის ბიუჯეტი შეადგენდა 30 720 ლარს. აღნიშნული პროგრამით სარგებლობს 190 ვეტერანი.

6. „ოთხ და მეტ შვილიან ბავშვთა ოჯახებზე (18 წლამდე ასაკის ბავშვები) ერთჯერადი მატერიალური დახმარების პროგრამა“, რომლის ბიუჯეტი შეადგენდა 56000 ლარს. აღნიშნული პროგრამით ისარგებლა 56 ოჯახმა.

7. „საცხოვრებელ სახლებზე ამორტიზირებული სახურავების შეცვლის“ მიზნობრივი პროგრამა, ბიუჯეტი შეადგენდა 30 000 ლარს. შესყიდულია 28297,50 ლარის თუნუქის სახურავი, რომლის მოსახლეობაზე გაცემა მოხდა შესაბამისი კომისიის გადაწყვეტილებით. სულ 35 ოჯახზე.

8. „სოფლის მოსახლეობის სამედიცინო მომსახურების“ პროგრამა, რომლის მთლიანი ბიუჯეტი შეადგენდა 143100 ლარს. მესამე კვარტალში გახარჯულია 33508,44 ლარი. მოსახლეობას ემსახურება 39 მედდა, რომლებიც აღჭურვილი არიან პირველადი მოხმარების მედიკამენტებითა და დამხმარე საშუალებებით. სისტემატიურად ხორციელდება პროგრამის მონიტორინგი.

9. „თემზე დაფუძნებული მობილური გუნდის მომსახურება მძიმე ფსიქიკური აშლილობის მქონე პირებისათვის“. პროგრამის მთლიანი ბიუჯეტი შეადგენდა 91650 ლარს. მესამე კვარტალში გახარჯულია 41950 ლარი. მობილური გუნდი ყოველთვიურად ადგილზე მისვლით ახდენს 50-60 ფსიქიკური აშლილობის მქონე პირების მონახულებას, უწევს მათ შესაბამის მომსახურებას და სპეციფიკური მედიკამენტების მიწოდებას.

10. „ჯანმრთელობის ზიანის რისკების შემცირება, სოფლად მცხოვრები გახარჯულია 11153,30 ლარი არამობილური ხანდაზმულებისათვის“ პროგრამის ბიუჯეტი შეადგენს 12660 ლარს. სარგებლობს 9 მოქალაქე. მესამე კვარტალში ჩარიცხულია 3270 ლარი. პროგრამა ხორციელდება დახმარების ეროვნული ფონდის თანადაფინანსებით. ბენეფიციარებს მიეწოდა ყელსაბამები (ე.წ განგაშის ზარი) და ხელჯოხები. პროგრამაში ჩართული არიან მოხალისეები და უზნის ექიმები.

11. „სამედიცინო და სოციალური რეაბილიტაციის პროგრამაში ჩართულ ბავშვთა აბილიტაცია/რეაბილიტაციის კურსებზე მგზავრობის ხელშეწყობა“, რომლის ბიუჯეტი შეადგენდა 12 500 ლარს. მესამე კვარტალში გახარჯულია 4358 ლარი.

12. „ძველი საცხოვრებელი სახლების მქონე ოჯახებზე ახალი საცხოვრებელი სახლების შექმნა“, მთლიანი ბიუჯეტი შეადგენს 75 000 ლარს. აღნიშნული პროგრამის განსახორციელებლად გამოცხადდა ტენდერი, გამოვლენილია ფირმა და მიმდინარეობს სახლების მშენებლობა.

სამსახური გარკვეულ მუშაობას ატარებს ოჯახების მოწყვლადობის განმაპირობებელ ფაქტორებზე და შ.შ.მ პირების სოციალიზაციისა და საზოგადოებაში ადაპტაციის კუთხით. შეიქმნა მომუშავე მრჩეველთა საბჭო.

სამსახურის მიერ სისტემატიურად ხორციელდება მონიტორინგი თსკ-სა და პჯდ- ის ცენტრებში.

გარდა პროგრამებისა გარკვეული მუშაობა იქნა გაწეული სტიქიური მოვლენების შედეგად დაზარალებული მოსახლეობის მდგომარეობის გასაუმჯობესებლად. შუამდგომლობა გაეწია აღნიშნულ პროგრამაში ჩასართავად 5 ოჯახს.

სამსახური ჩართულია სხვადასხვა კუთხით შექმნილი კომისიების მუშაობაში. მესამე კვარტალში შემოსულია 35 განცხადება საცხოვრებელი სახლებისა და მიმდებარე ტერიტორიების გეოლოგიურად შესწავლასთან დაკავშირებით. შესწავლილია გეოლოგიური სამსახურის მიერ და წარმოდგენილია შესაბამისი დასკვნები, სადაც მითითებულია სხვადასხვა რეკომენდაციები, როგორც განსახლება, ასევე საცხოვრებელი სახლის გამაგრება და მიმდებარე ტერიტორიების ფერდსამაგრი კედლის მოწყობა. დასკვნების საფუძველზე ხდება შესაბამისი რეაგირება.

შუამდგომლობა გაეწია ჯანმრთელობისა და სოციალური დაცვის სამინისტროში ჯანმრთელობის პრობლემების მქონე 12 მოქალაქეს. ასევე სამსახური შუამდგომლობით შევიდა მუნიციპალიტეტის მერთან 28 მოქალაქეზე სხვადასხვა ოპერაციებისა და მკურნალობის დასაფინანსებლად.

სოციალური მომსახურების სააგენტოსთან, სოციალური დახმარების კუთხით, განმეორებით შესწავლაზე შუამდგომლობა გაეწია 6 მოქალაქეს.

შემოსულ კორეპოდენციებზე (განცხადება, საჩივრები და ზემდგომი ორგანოებიდან გამოგზავნილი წერილები) ყველა მათგანზე გაცემულია შესაბამისი პასუხები.